

Primljeno: 09-05-2024			
Org. jed.	Broj	Priloga	Vrijednost
05/1	- 02 -	235	124



„AGROKOMERC“ Dioničko društvo za primarnu proizvodnju, prehrambenu industriju, tercijarne i kvartalne djelatnosti sa p.o., Velika Kladuša 77230, Bosna i Hercegovina  
Telefon: (00)387 37 770 060 Fax: (00)387 37 770 500 E-mail: agrokomerc.kladusa@bih.net.ba

Broj: 241/2024

Datum: 09.05.2024. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJA BOSNE I HERCEGOVINE

n/p dr.sci. Edita Kalajdžić, tajnik Vlade

PREDMET: Odgovor na zastupničku inicijativu

Veza: Vaš akt br. 03-04-838-4/24 od 26.04.2024. godine

Poštovani,

Vašim aktom br. 03-04-838-4/24 od 26.04.2024. godine dostavili ste zastupničku inicijativu zastupnika Amira Purića od 22.04.2024. godine upućenu Vladi Federacije BiH, Nadzornom odboru i direktoru privrednog društva Agrokomerc d.d. Velika Kladuša, kojom se od nadležne Vlade Federacije BiH i upravljačkih tijela privrednog društva Agrokomerc d.d. Velika Kladuša traži da pokrenu proceduru promjene vlasništva/upravljanja nad kompleksom Stari grad Velika Kladuša radi zaštite ovog kulturno-historijskog spomenika i njegovog efikasnijeg korištenja u društveno-obrazovne, turističke i ekonomske svrhe.

U obrazloženju zastupničke inicijative navedeni su razlozi zbog kojih je inicijativa podnijeta te se zahtijeva od nadležne Vlade Federacije BiH i upravljačkih tijela privrednog društva Agrokomerc d.d. Velika Kladuša da u što kraćem roku urade potrebne analize i pokrenu procedure promjene vlasništva/upravljanja nad kompleksom Stari grad Velika Kladuša u najboljem interesu samog kulturno-historijskog spomenika, kompanije Agrokomerc, lokalne zajednice i Federacije BiH.

Izjašnjavajući se na zastupničku inicijativu ističemo da smo svjesni problema vezanih uz aktualno stanje kompleksa Stari grad Velika Kladuša nastalih nakon požara izazvanog elementarnom nepogodom 14.04.2023. godine na koje zastupnik inicijative ukazuje te je neophodno poduzeti aktivnosti na sanaciji i zaštiti ovog kulturno-historijskog spomenika radi njegovog efikasnijeg korištenja u društveno-obrazovne, turističke i ekonomske svrhe u budućnosti.


Radi razumijevanja cjelokupne problematike navode se činjenice vezano uz vlasničko-upravljački status strateške poslovne jedinice Hotelsko-ugostiteljski i turistički kompleks Stari grad Velika Kladuša u sastavu privrednog društva Agrokomerc d.d. Velika Kladuša, i primjenjivi propisi u području zaštite, nadležnosti i eventualne promjene vlasništva/upravljanja nad predmetnim kulturnim i historijskim objektom Stari grad Velika Kladuša u sastavu ove strateške poslovne jedinice:

1. Hotelsko-ugostiteljski i turistički kompleks Stari grad Velika Kladuša je strateška poslovna jedinica u sastavu privrednog društva Agrokomerc d.d. Velika Kladuša, koje je u većinskom vlasništvu Vlade FBiH sa 90,33% udjela u temeljnom kapitalu društva (<http://www.rvp.ba/Home/Details?code=AKVK> i <https://komvp.gov.ba/ucesnici-na-trzistu/emitenti/01-704>). Upravljačka tijela privrednog društva su Skupština, Nadzorni odbor i Uprava, koju čini direktor društva. Ovlaštenja po osnovu državnog kapitala u privrednom društvu vrši Vlada Federacije BiH putem resornog Federalnog ministarstva poljoprivrede, vodoprivrede i šumarstva temeljem Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije BiH ("Službene novine Federacije BiH", br. 20/16, 3/17, 9/17, 69/17, 96/17 i 101/22).

2. Poslovanje i upravljanje privrednim društvom bliže je uređeno *Zakonom o privrednim društvima* ("Službene novine Federacije BiH", broj: 81/15 i 75/21), *posebnim Zakonom o finansijskoj konsolidaciji privrednih društava u Federaciji BiH* ("Službene novine Federacije BiH", br. 52/14, 36/18, 54/19, 48/21 i 94/23), računovodstveno-financijskim propisima (*Zakon o računovodstvu i reviziji u Federaciji BiH* („Službene novine FBiH“, br. 15/21), *Međunarodni računovodstveni standardi i standardi finansijskog izvještavanja (MRS i MSFI)* koji se primjenjuju u Federaciji BiH i *Zakon o finansijskom poslovanju* ("Službene novine Federacije BiH", br. 48/16), *Uredbom o finansijskoj konsolidaciji privrednih društava u Federaciji BiH* („Službene novine Federacije BiH“, broj: 74/17, 84/18 i 48/19), *Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije BiH* ("Službene novine Federacije BiH", br. 20/16, 3/17, 9/17, 69/17, 96/17 i 101/22), *Odlukom o finansijskoj konsolidaciji privrednog društva Agrokomerc d.d. Velika Kladaša* („Službene novine Federacije BiH“, br. 101/14, 22/15, 58/15, 84/17, 55/19, 95/19, 106/21 i 20/24), *Statutom i drugim aktima privrednog društva*. Sukladno odredbama *Okvirnog zakona o privatizaciji poduzeća i banaka u BiH* ("Službeni glasnik BiH", br. 14/98), u vezi sa članom 8. stav 2. i 7., *Zakona o privatizaciji poduzeća* («Službene novine Federacije BiH», broj: 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), Stari grad Velika Kladaša kao objekat od općeg kulturnog i historijskog značaja u sastavu *Hotelsko-ugostiteljskog i turističkog kompleksa Stari grad Velika Kladaša*, koji se koristi u obavljanju registrirane djelatnosti strateške poslovne jedinice, nije iskazan u početnom bilansu poduzeća za privatizaciju, već se vodi vanbilansno, a istim poduzeće ne može raspolagati u pravnom prometu i dužno ga je koristiti pažnjom dobrog privrednika do konačnog rješavanja statusa objekta u skladu sa posebnim propisom.
3. Stari grad Velika Kladaša nalazi se na Privremenoj listi Komisije za očuvanje nacionalnih spomenika BiH pod rednim brojem 756., koja je usvojena na 15. sjednici Komisije održanoj 14.06.2000. godine ([http://www.kons.gov.ba/data/Novi%20dokumenti/Peticije/Privremena\\_lista\\_sa\\_donesenim\\_odlukama-11.11.2022.pdf](http://www.kons.gov.ba/data/Novi%20dokumenti/Peticije/Privremena_lista_sa_donesenim_odlukama-11.11.2022.pdf)). S obzirom da je odredbom člana 2. Zakona o provedbi odluka Komisije za očuvanje nacionalnih spomenika uspostavljene prema Aneksu 8. Općeg okvirnog sporazuma za mir u BiH ("Službeni list Federacije BiH", br. 2/02 i 27/02) utvrđeno da se nacionalnim spomenikom smatraju svi objekti sa Privremene liste nacionalnih spomenika BiH do donošenja konačne odluke Komisije, objekat Stari grad Velika Kladaša ima status nacionalnog spomenika. Komisija za očuvanje nacionalnih spomenika BiH nije nadležna za osiguranje finansijskih sredstava u svrhu sanacije i zaštite nacionalnih spomenika, već je to Federalno ministarstvo kulture i sporta.

U odnosu na navedeno, a vezano za osiguranje interventnih finansijskih sredstava za radove sanacije i obnove krovništa kule Stari grad Velika Kladaša, potrebno je izravno obratiti se Federalnom ministarstvu kulture i sporta koje je nadležno za dodjelu ovih sredstava u sklopu Transfera za obnovu kulturnog i graditeljskog nasljeđa. Međutim, kako o iznosu i namjeni ovih sredstava za svaku godinu odlučuje Vlada FBiH i o tome donosi odluku (Odluka o usvajanju programa utroška sredstava s kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2024. godinu Federalnom ministarstvu kulture i sporta - Federalnom ministarstvu kulture i športa), a koja u ovoj godini nije donijeta, niti je objavljen javni natječaj za dodjeluju tih sredstava, još uvijek ne postoji pravni osnov za podnošenje zahtjeva Federalnom ministarstvu kulture i sporta za dodjelu interventnih finansijskih sredstava za tu svrhu od strane Uprave privrednog društva Agrokomerc d.d. Velika Kladaša. Nakon donošenja navedene odluke Vlade FBiH i objave javnog natječaja Federalnog ministarstva kulture i sporta, Uprava društva će podnijeti zahtjev za dodjelu potrebnih finansijskih sredstava.

S poštovanjem,

  
DIREKTOR  
Mersad Hamzić, dipl. ing. polj.

Dostaviti:

1. Naslovu
2. Zastupnički dom Parlamenta Federacije BiH, gosp. Ivan Miličević, tajnik
3. A/a